



ЯНГИ ЎЗБЕКИСТОН: УЛУҒ МАҚСАД ВА МУСТАҲКАМ ИШОНЧ



Ушбу ижтимоий-сиёсий нашр ўз олдига қанчалик улкан мақсад ва режалар қўгани унинг номидан ҳам яққол кўришиб турибди.

Ҳақиқатан ҳам, бугун Ўзбекистон ўз тараққиётининг мутлақо янги, янада юксак босқичга қадам қўймоқда...

...Ана шундай улғувор ва тарихий ўзгаришларнинг ўзига хос кўзгуси бўлиб майдонга чиқаётган газета юртимиздаги демократик ислохотлар, ҳудудлардаги бекиёс бунёдкорлик ва яратувчанлик ишларининг аҳамияти ҳамда натижаларини холис ва ҳаққоний ёритишга, аҳоли вакиллари ва жамоатчилик фикрини шакллантиришга, мавжуд муаммо ва камчиликларни таҳлилий материаллар орқали дадил кўтариб чиқиб, ахборот маконида муносиб ўрин эгаллашига ишончим комил.

Президентимиз Шавкат МИРЗИЁЕВнинг “Янги Ўзбекистон” газетаси жамоасига табригидан



“Янги Ўзбекистон” газетаси 5 ёшда

Мамлакатимизда Президентимиз Шавкат Мирзиёев раҳнамолигида амалга оширилган тарихий ислохотлар бугун ҳаётимизни безаб турибди. Бу ўзгаришларнинг ҳар бири ҳаётимизга мазмун бағишлаб, халқимизнинг кўксини кўтарди, жамиятимизнинг янги қиёфасига асос солди.

Муҳтарам Президентимиз 2021 йилда газетамизга берган тарихий интервьюсида айтганидек, бугунги Ўзбекистон — кечаги Ўзбекистон эмас, бугунги халқимиз ҳам кечаги халқ эмас.

Дарҳақиқат, биз янги давр одамларимиз. Ҳаётимизнинг мазмуни ҳам, кўзлаётган манзилларимиз ҳам, яшайдан мақсадимиз ҳам ўзгача.

Миллий йўлбошчимиз Шавкат Мирзиёев сиёсий иқтидорга келган илк кунлардан халқимиз ҳаётида катта ўзгаришлар бошланди. Ҳар бир ислохотда инсон қадрини биринчи ўринга қўйилди.

Бугун кескин ўзгаришлар кузатилаётган замонавий дунёда ҳар бир давлат ва

миллий жамият учун мафқуравий йўл, яшовчан ғоялар жуда зарур. Буларсиз ривожланишнинг сира иложи, имкони йўқ.

Толеи буюк халқимиз. Бонси, ана шундай мураккаб шароитда Президентимиз Шавкат Мирзиёев “ЯНГИ ЎЗБЕКИСТОН” ҒОЯСИни илгари сурди.

Эндиги мулоҳазаларимиз ана шу қудратли ғоянинг тадрижий қуввати ҳақида бўлади.

ҲАЁТБАХШ ҒОЯ

2017-2018 йиллар мамлакатимиз ва халқимиз ҳаёти учун жуда катта тарихий эврилишларнинг бошланиши ҳамда жадал ривожланиш даври бўлди. Мана шу икки йил мобайнида бугун биз эришган оламшумул натижаларнинг тамал тоши қўйилди.

Навбат миллий юксалишимизнинг кейинги босқичига руҳлантирувчи куч, қадрият

тус беришга келди. Президентимиз Шавкат Мирзиёев бу уйғониш кўнини юқоридан айтганимиз — “Янги Ўзбекистон” ғояси билан қувватландирди.

Бу ғоя замирида халқимиз онгида бошланган ўзгаришлар, кайфиятидаги кўтаринки руҳ, тараққий этишга бўлган соғинчли интилиш муждаси бор эди. Умуман, жамиятимиз шундай қудратли ғоявий устунга муҳтожлик сезиб турган бир даврда мамлакат қалби ичра таралган юксалиш

руҳи кўпмиллатли халқимизни ягона мақсад йўлида бирлаштирди, жипслаштирди.

Орзу-умидларимиз, эзгу мақсадларимиз жамланган ҳаётбахш ғоянинг дастлабки ифодаларидан бири сифатида 2020 йилда “Янги Ўзбекистон” газетаси таъсис этилди. Тахририятнинг асосий вазифалари ва фаолиятининг устувор йўналишлари ниҳоятда улғувор ва кенг қўламли бўлди.

Уларнинг барчасини умумлаштириб айтганда, мамлакатимизни ижтимоий-иқтисодий ривожлантириш, халқимиз ҳаёти фаровонлигини ошириш, халқаро майдонда Ватанимизнинг обрў-эътибори ва нуфузини юксалтириш йўлидаги сиёсатимиз мазмун-моҳияти ҳамда унинг натижаларини кенг ёритишдан иборат эди.

Нашримизнинг илк сони Президентимиз Шавкат Мирзиёевнинг “Янги Ўзбекистон” газетаси жамоасига йўлаган табриги билан чоп этилди. “Жамиятимизда фикр ва қарашлар ранг-баранглиги, сўз ва ахборот эркинлигини таъминлаш, маънавият ва маърифат тарғиботи борасидаги ғоятда шарафли йўлда тахририят жамоасига улкан муваффақиятлар

ва ижодий фаоллик доимо ёр бўлишини тилаб қоламан”, дейилган табрик олдимишга қўйилган жуда катта маъсулият ҳиссини доимо англашиб туради.

Уша кунни газетамизда давлатимиз раҳбарининг Олий Мажлисга Мурожаатномаси ҳам эълон қилинди.

“Халқимиз шунга яхши билиши керак: олдимишда узоқ ва машаққатли йўл турибди. Барчамиз жипслашиб, тинимсиз ўқиб-ўргансак, ишимизни мукаммал ва унумли бажарсак, замонавий билимларни эгаллаб, ўзимизни аямасдан олдинга интиласак, албатта, ҳаётимиз ва жамиятимиз ўзгаради”, дейилган эди Мурожаатномада.

Қатъий ишонч билан айта оламизки, “Янги Ўзбекистон” ғояси қонимизда буюк ажодларимиздан мерос яратувчанлик қодларини уйғотди.

Бугун бизга ҳавас қилаётганлар кўп. Албатта, ҳасад қилувчилар ҳам топилади. Сабаби инсон табиати шундай, беш қўл баробар эмас. Бу — аксиома.

➔ Давоми 3-бетда

Президент қарорлари — ҳаётда ва назоратда САМАРАЛИ ИЖРО ИНТИЗОМИ — ИСЛОХОТЛАР НАТИЖАДОРЛИГИНИНГ МУҲИМ ОМИЛИ



Аҳоли ҳаёт даражаси ва сифатини юксалтириш бўйича ислохотларнинг натижадорлиги уларни амалга оширишга қаратилган қонунчилик ҳужжатлари ижросининг самарали ташкил этилишига бевосита боғлиқ.

Авваллари айнан раҳбар ходимларнинг шахсий жавобгарлик тизими мукамал бўлмагани натижасида берилган топшириқлар ижро этилмаслиги ёки муддати ўтиб бажарилиши каби ҳолатлар кузатилади эди.

Президентимизнинг 2021 йил 10 февралдаги “Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида”ги фармони ҳамда 2021 йил 31 майдаги “Йўл.gov.uz” ижро интизоми идоралараро ягона электрон тизими самарали фаолият кўрсатишини таъминлашга қаратилган қўшимча чора-тадбирлар тўғрисида”ги қарори билан шахсий масъулият, мустақкам темир интизом ва ташаббускорлик тамойилларига асосланган

мутлақо янги тизим жорий қилингани ижро интизомига мустақкамлашда муҳим аҳамият касб этмоқда.

Мақсадли тизим, таъсирчан назоратдан натижа сари

Давлат ҳокимиятининг жамият олдидаги энг асосий вазифаси аҳоли ҳаёти даражаси ва сифатини оширишга доир ислохотлар натижадорлигини таъминлашдир. Бу эса бевосита уларни амалга оширишга қаратилган ҳужжатлар, қарорларни ижро этиш бўйича ижро интизомининг қатъийлигига боғлиқ. Айнан давлат идоралари ва ташкилотлардаги ижро интизоми ҳолатидан келиб чиқиб, ҳар бир ҳудуд ёки тармоқнинг ривожланиш даражасига баҳо бериш мумкин.

➔ Давоми 2-бетда

Шарҳ

МАҲАЛЛА ЖИНОЯТЧИЛИКДАН ХОЛИ БЎЛСА

юртимиз тинч, ишимизда УНУМ ВА БАРАКА БЎЛАДИ

Кейинги йилларда маҳалла институтини тақомиллаштиришга қаратилган 100 га яқин норматив-ҳуқуқий ҳужжат қабул қилинди. Ҳудудлардаги ижтимоий-иқтисодий муаммоларни жойида ҳал этиш мақсадида маҳаллаларнинг ваколатлари кенгайтирилди, молиявий мустақиллиги кучайтирилди. Фуқароларнинг ўз маҳалласи ҳаётидаги иштирокини ҳамда давлат органлари ва маҳаллалар ўртасида тўғридан тўғри алоқани таъминлаш, маҳаллаларда аҳоли билан ишлашга қаратилган жараёнлар рақамлаштирилди. Шунингдек, тадбиркорликни ривожлантириш, аҳоли бандлигини таъминлаш борасида ўзига хос тизим яратилди.

➔ Давоми 2-бетда

Буюк ўзбек йўли

ОҚҚАН ДАРЁ ОҚМАЙ ҚОЛМАС



